

**DULKON  
ÁŠŠIID DIKŠUMA  
OKTAVUOĐAS  
DAVVISÁME-  
GIELAT, ANÁRAŠ-  
GIELAT DAHJE  
NUORTALAŠ-  
GIELAT  
ÁŠŠEHASSII**





## **SÁMI GIELLALÁHKA ADDÁ VUOIGATVUOĐA GEAVAHIT DULKKA**

Sámi giellalága ulbmil lea nannet sámiid vuoigatvuođa doalahit ja ovdánahttit iežaset giela ja kultuvrra, nugo vuodđolágas lea ásahuvvon. Sámi giellaláhka heivehuvvo eanas sámiid ruovttuguovllus nappo Anáris, Eanodagas, Ohcejogas ja Soađegili gieldda davveoasis Sámi bálgosis.

Sámi giellalága mielde sámiin lea vuoigatvuohta geavahit iežaset giela virgeoapmahašbálvalusaid ja duopmostuolu oktavuodas. Ulbmil lea ahte sámiid gielalaš vuoigatvuođat galget ollašuvvat nu, ahte daid ii dárbbahivčče sierra gáibidit.

Virgeoapmahaš galgá ordnet áššehassii nuvttá dulkka, juos bálvalusa ii muđuid oaččo sámegillii.

## Sámegielat áššehas

- Juos virgeoapmahaččas ii oaččo bálvalusa sámegillii, sáhtát geavahit dulkka virgeoapmahaččain.
- Mital virgeoapmahažžii áiggil ahte áiggut geavahit sámegiela. Dárbbu mielde virgeoapmahaš ordne dulkka ja gokčá goluid.
- Dulkka geavaheapmi ii mávsse dutnje maidige.
- Dulka lea geatnegahtton doallat suollemassan buot, mii guoská du ášši dulkomii.



# Dulka


- Dulka dulko visot, maid áššehas ja virgeoapmahaš hupmaba, iige son lasit ságastallamii maidige iige guođe dajakeahttá maidige.
- Dulikka bargu deaivvadeami áigge lea dušše dulkot. Dulka ii leat áššehasaid veahkki dahje áššeolmmoš.
- Dulka lea geatnegahtton doallat suollemassan buot dieđuid, mat gusket dulkondilálašvuhtii ja dát geatnegasvuohta čatná su ovdal deaivvadeami, dan áigge ja deaivvadeami maŋjel.

**DULKKA  
ÁRVVUT LEAT  
EHTALAŠVUOHTA,  
LUOHTEHAHTTI-  
VUOHTA, DULKOMA  
ALLA DÁSSI,  
OVTTAVEARDÁSAŠ-  
VUOHTA.**



# Virgeoapmahaš

- Fála áššehassii sámegielat bálvalusa dahje ordne dulkoma.
- Čielggat man dilis áššehas dárbbaha dulkka. Dárbbahago áššehas dulkka oktii vai juohke háve go son dikšu áššiid?
- Ordne dulkoma báikki alde dahje gáiddusoktavuođa bokte.
- Várre doarvái áiggi deaivadeapmái áššehasain. Dulkon váldá beali guhkit áiggi.
- Doaimmat dulkii ovddalgihtii dieđuid dulkondilálašvuođa várás, nugo áiggi, báikki, fáttá ja dulkonvuogi.






Vipuvoimaa  
EU:lta  
2014–2020



Diak



Dát gihpa lea buvttaduvvon jagi 2021  
Sámegielaideid dulkon -fitnus. Fidnu lea lágidan  
ja ovddidan sámegielaideid dulkonskuvlejumi, sihke  
stáđásmahtán sámegielaideid dulkoma sajadaga.